



**P R A V I L N I K
O IZMJENAMA I DOPUNAMA
PRAVILNIKA O UNUTRAŠNJOJ ORGANIZACIJI OPĆINE NOVO SARAJEVO**

Sarajevo, maj 2021. godine



*Općina Novo Sarajevo, ulica Zmaja od Bosne br. 55, centrala telefon (387 33) 492 100
Služba za poslove Kabineta Općinskog načelnika tel: (387 33) 492 272, fax: (387 33) 644 559
email: novosarajevo@novosarajevo.ba, nacelnik@novosarajevo.ba, kabinet.nacelnika@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun (račun za prikupljanje javnih prihoda): 1411965320011288 Bosna Bank International d.d.;
Transakcijski računi (za isplatu svih obaveza): 1610000019280022 Raiffeisen bank d.d. Sarajevo;
1411965320011191 Bosna Bank International d.d.;
102050000098065 Union Banka d.d. Sarajevo; 1413065320060897 Bosna Bank International d.d.*



Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 74. Zakona o državnoj službi u Kantonu Sarajevo („Službene novine Kantona Sarajevo“, br. 31/16 i 45/19), člana 7. Zakona o namještenicima u organima državne službe u Federaciji Bosne i Hercegovine („Službene novine Federacije BiH“, broj 49/05), člana 34. Uredbe o poslovima osnovne djelatnosti iz nadležnosti organa državne službe u Kantonu Sarajevo koje obavljaju državni službenici, uslovima za vršenje tih poslova i ostvarivanju određenih prava iz radnog odnosa („Službene novine Kantona Sarajevo“, br. 39/16 i 10/17) i člana 1. Uredbe o dopunskim poslovima osnovne djelatnosti i poslovima pomoćne djelatnosti iz nadležnosti organa državne službe koje obavljaju namještenici („Službene novine Federacije BiH“ br. 69/05 i 29/06), člana 50. Statuta Općine Novo Sarajevo („Službene novine Kantona Sarajevo“ br. 5/20 – Prečišćeni tekst i 20/20 - Ispravka) i člana 28. Odluke o organizaciji i djelokrugu poslova službi za upravu, stručnih i drugih službi Općine Novo Sarajevo („Službene novine Kantona Sarajevo“, broj 7/19), Općinski načelnik, donosi

P R A V I L N I K
O IZMJENAMA I DOPUNAMA
PRAVILNIKA O UNUTRAŠNJOJ ORGANIZACIJI OPĆINE NOVO SARAJEVO

Član 1.
(Novi član 18a.)

U Pravilniku o unutrašnjoj organizaciji Općine Novo Sarajevo broj: 02-05-258/19 od 12. 6. 2019. godine i broj: 01-04-3006/21 od 28. 4. 2021. godine, u članu 18. ispred broja i riječi „**1. Pomoćnik Općinskog načelnika za poslove Općinskog vijeća i lokalnu samoupravu**“ dodaje se novi član 18a. ispred kojeg se dodaju broj i riječi „4. Sistematizacija radnih mjesta“, te iza kojeg se dodaju riječi „Za vršenje poslova iz nadležnosti ove Službe utvrđuju se slijedeća radna mjesta:“

Član 2.
(Izmjena i dopuna člana 18a.)

U članu 18a.:

- u tački 7. za radno mjesto Šef Odsjeka za lokalnu samoupravu, u uslovima za vršenje poslova, riječi „SSS – IV stepen, gimnazija, ekonomska, birotehnička, tehnička ili druga škola, položen stručni ispit za rad u organima uprave, najmanje 2 godine radnog staža i poznavanje rada na računaru“ mijenjaju se i glase: „VSS - najmanje VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja koji se vrednuje sa najmanje 240 ECTS bodova, pravni, ekonomski, filozofski, arhitektonski ili građevinski fakultet ili fakultet političkih nauka, položen stručni upravni ispit, najmanje 4 godine radnog staža i poznavanje rada na računaru“; u vrsta djelatnosti, riječi „dopunski poslovi osnovne djelatnosti“ mijenjaju se i glase: „osnovna djelatnost“; u grupa poslova, riječi „administrativno-tehnički“ mijenjaju se i glase: „studijsko-analitički i stručno-operativni“; u složenost poslova, riječi „djelimično složeni“ mijenjaju se i glase „najsloženiji“; u status izvršioca, riječ „namještenik“ mijenja se i glasi: „državni službenik“.

Član 3.
(Dopuna člana 28.)

U članu 28.:

- u tački 23. za radno mjesto Viši referent – operater, u uslovima za vršenje poslova, ispred rimskog broja „IV“ dodaju se rimski broj i riječ „III ili“, a iza riječi „ekonomska“ dodaje se zarez i riječi „birotehnička ili mašinska“.

Član 4.
(Dopuna člana 48.)

U članu 48.:

- u tački 1. za radno mjesto Pomoćnik Općinskog načelnika za komunalne i stambene poslove i saobraćaj, u uslovima za vršenje poslova, iza riječi „građevinske“ dodaje se zarez i riječ „saobraćajne“;
- u tački 2. za radno mjesto Šef Odsjeka za komunalne poslove, u uslovima za vršenje poslova, iza riječi „građevinske“ dodaju se zarez i riječ „poljoprivredne“, a iza riječi „pravni“ dodaju se riječi „ili ekonomski“;
- u tački 9. za radno mjesto Šef Odsjeka za stambene poslove, u uslovima za vršenje poslova, iza riječi „pravni“ dodaje se zarez i riječi „ekonomski, arhitektonski, poljoprivredni ili filozofski“.

Član 5.
(Izmjena i dopuna člana 52.)

U članu 52.:

- u tački 2. za radno mjesto Šef Odsjeka za pisarnicu i arhivu, u uslovima za vršenje poslova, iza riječi „pravni“ dodaje se zarez i riječi „ekonomski ili filozofski“; u grupi poslova riječi „normativno-pravni“ mijenjaju se i glase: „studijsko-analitički“;
- u tački 3. za radno mjesto Viši referent za prijem podnesaka, u uslovima za vršenje poslova, riječ „tekstilna“ mijenja se i glasi „druga srednja“;
- u tački 5. za radno mjesto Viši referent za vođenje djelovodnika predmeta i akata, u uslovima za vršenje poslova, ispred rimskog broja „IV“ dodaje se rimski broj i riječ „III ili“, a iza riječi „ekonomska“ dodaje se zarez i riječ „trgovinska“.

Član 6.
(Dopuna člana 59.)

U članu 59.:

- u tački 20. za radno mjesto Šef Odsjeka za informacioni sistem, u uslovima za vršenje poslova, iza riječi „elektrotehnički“ dodaju se riječi „ili drugi“.

Član 7.
(Dopuna člana 62.)

U članu 62.:

- u tački 7. za radno mjesto Viši referent za poslove boračko-invalidske zaštite, u uslovima za vršenje poslova, iza riječi „ekonomska“ dodaje se zarez i riječi „upravna, birotehnička, mašinska“, a iza riječi „škola“ dodaju se riječi „ili gimnazija“.

Član 8.
(Stupanje na snagu)

Ovaj pravilnik stupa na snagu danom donošenja.

Broj: 01-04-3785/21
Sarajevo, 25. 5. 2021. godine

OPĆINSKI NAČELNIK

Dr. Hasan Tanović